


կանթեղ, կախվել է կաթողիկե եկեղեցու կենտրոնում, իսկ մյուսը, որ ունեցել է 40 կանթեղ, կախվել է Աստվածածին և Ամենափրկիչ եկեղեցիների հնագույն գավթում, որ հետո քանդվել է, և նրա բռնած տարածու-

թյան վրա երկու գավթներ են շինվել՝ ամեն մի եկեղեցու համար առանձին:

Այդ ջահերի ձևի և նյութի մասին ոչինչ չգիտենք: Նույնիսկ հայտնի չէ, թե երբ են նրանք անհետացել վանքից, բայց այդ ջա-



Նկ. 21. Սարգսի խաչքարը մեծ ժամատան ամ պատին հենած:

հերը վանքին նվիրելու վերաբերյալ արքայական հրովարտակում, որ պահպանվել է դարձյալ Սանահնի «Քոթուկի» մեջ, ասված է, որ ջահերի մեջ ձեթ է այրվել, և մեծ ջահը նմանեցրած է արևի, որ ծիրանի գույն ունի:

Մյուսից պետք է եզրակացնել, որ այդ ջահերը ոսկեփայլ պղնձից են եղել շինված, հավանաբար նման այն ջահին, որ հայտնաբերվել է Անիի դվարթնոցատիպ գազկաշեն եկեղեցու պեղումների ժամանակ: